

tineat, veluti compositū arte fit ex varijs, vt lato, campanarumq; metallum, ac similia. Sed vide quid infrā dicetur de cinabari. Verūm vt ista magis elucescant, colligere tibi volui per ordinem, quę sibi sunt affinia potiùs quàm remotiora, proinde mox spagiricum subnectamus illud matrimonium, de quo suprā parumper tetigimus, cū de spiritibus & metallorum tincturis ageretur.

De matrimonio spagirici vel philosophici lapidis. CAP. XII.

MERCVRIVS philosophorum fertur in mercurium corporalem, tamquam semen in suum agrum viuum, hoc est mercurius solis in terram proijciatur philosophicam, ad generationem tincturarum, & viuus ager mercurium sapientum soluet eius in se vires concipiens, ac istam ille viuam occidet, spiritum scilicet viuum corporalem, indeque matrimoniū constans & inuiolabile per ignem & in ipso fiet. Mercurius nanq; philosophicus, id est solis, ad corporalem spiritum mercurij comparatur in coniūctione, quemadmodum